

同治甲戌年重鐫

部右陶先生原本

痧脹玉衡

板藏嘉魚淨堡孔興隆
店樂善君子印送自
備紙墨小店不取板資

敘

憶昔癸未秋。余在燕都。其時疫病大作。患者胸腹稍滿。生白毛如羊。日死人數千。竟不知所名。有海昌明經李君見之。曰此痧也。刺之以鍼。血出。病隨手瘳。於是城中昇而就醫者。亦日以千計。皆得瘳而去。頃之證變而爲嗽。嗽甚輕。不半日隨斃。時李君已出都。有知者曰。此亦痧也。用前法刺之。

亦隨瘉焉。余時目擊其事。歸而與知醫者言之。卒疑信交半。先是鄉人有糞穢感痧。例用錢物。蘸油而刮。及此多用刺。然行之大都婦人。以故爲名醫者不道。及考諸醫書。古時未有論及。後人稍有青筋之說。仍略而不詳。因而求人之信者少。疑者益多。用藥之方。遂置之不論。人不幸犯是證。無得全者。噫。是可憫也。友人右陶郭君明理。

讀書。旁按醫學。見近之患痧者日益眾。而
治痧者不聞。乃精心殫思。推原於小兒痧
疹之理。兼求之古方。多有不言痧而見痧
之意者。然驗之諸所救療。無或爽。因以自
信。遂發願廣之天下後世。爲百千萬人命
之救。著有玉衡一書。右陶之心切矣。右陶
之功大矣。而吾鄉刺痧之法盛行矣。且右
陶嘗言。痧本無定脈。凡脈與所患之證不

相應者。卽爲痧之脈。痧亦無定證。或感風
感食。感勞。感痰。而以本證治之不效者。皆
爲痧之證。爲立之方。使知遵也。爲記之驗。
使知信也。後以藥性終之。使知用之有宜
不宜。不與他證同也。右陶治痧之法。於是
書乎全。而世人將讀其書以治痧。兼以治
右陶之所不及治。右陶之心。於是大快。雖
不欲居其功。功又安歸哉。余旣見痧之事。



又信右陶之說敢爲之言。雖然。不足爲憑者道也。

岢

康熙十四年乙卯重陽日里人王庭題



南京中医药大学图书馆藏

自敘

嘗論一元運化。升而爲天。凝而爲地。人生其中。道配三才。惟其克佐天地之所不及也。所以大之兵農禮樂。小之屠釣工商。缺一不可。而況炎帝肇創。嘗藥療病。尤斯人生死所係者乎。歷代相沿。神醫迭出。載籍紛紛。惟救疾苦。孰意痧脹一證。勢有命懸須臾。兆變頃刻者。竟置不論。如雲林龔先

生所誌諸書。歷有年矣。迄今誦法不衰。時
多宗之。然云青筋所謂痧也。惜自古以來
從未論及。是以其疾往往不治。竊以爲生
死甚大。望醫如望拯溺。詎可聽人之有是
疾而不爲之生全乎。先高曾以經術起家。
箕裘累葉。余少列宮牆。讀古惠鮮懷保。慨
然有恫恤生民之志。嘗願爲愁者解困。危
者甦命。因徧閱仲景東垣丹溪諸先生論。

而帖括所拘。有懷未展。鼎革以後。播遷不一。或羈畱武水。或跋涉秦溪。每憶昔年尋章摘句。不過淹蹇一身。毫無裨益於世。既而旅食江淮。浪遊吳越。所在時行痧脹。世人犯而不識。多有坐視其死者。余心惻然。思得一術以濟之。故凡遇杏林先輩。未嘗不造而問焉。見松隱異人。未嘗不就而請焉。卽冊籍所載。鮮不於晤對之間。互相參

攷然於痧也。究不得一要旨。後返棹樵李。按求高曾所遺前賢諸祕草。有傳變難治異證。或定於濂洛大儒。或議諸楚粵高士。雖篇頁零星。各有同異。皆透叅靈素甲乙諸經。以推廣仲景先生之意。惜專籍無傳。而古人之精祕尚未出也。余日夕究心。始悟痧脹變端。總其大綱。撮其要領。遂得歷歷措施。無不響驗。特慮斯疾勿辨。貽禍無

窮故爲之推原其始。詳究其終而不忍不
有斯集也。雖然醫者治病猶百工治事。此
握一規。彼挾一矩。有一定之法。無一定之
用。余雖獲遺言。猶必酌量於累黍之度。而
神明其治法焉。此非昔人無是疾。今人始
有是疾也。抑非昔人之病可略。今人之病
當獨詳也。所以念茲在茲。日孜孜焉。從事
筆墨閒。惟此救人是論。要不外夫推己之

心。俾天下咸慰及人之願斯已耳。昔人有
言。道之真以治身。其緒餘以爲天下。余不
敢云治身與爲天下有二也。且醫之爲道。
惟視人如己者乃可施。至於風氣之強弱。
年歲之多寡。精力之厚薄。必須以己爲斷。
然後原疾量藥。貫徹幽。度節氣而候溫。
涼。參脈理而合輕重。始乃取應如神。捷於
桴鼓。不然。鹵莽從事。是猶南轅而返。北轍。

也。烏可得哉。

岢

大清康熙十四年歲次乙卯燈月樵李郭
志遠右陶氏自敘於裕賢堂



北京中医药大学图书馆版权

續敘

嘗稽古今醫學。備悉萬病。獨不明痧。困而人鮮其傳。無奈世之患者比比也。既有此病。不可不求有以治之。余以治之所驗。悉其證之所由。於甲寅歲著玉衡一書。偕同人互相參訂。急而行之。亦濟世之念所不得已也。書中凡敘痧說。似已具詳。而年來痧之變幻。更有隱伏於別病中者。傷人最

多非惟世所罕識。抑余前書之所未及。因
又有剝刻之續。凡以因時所犯。略採異驗
爲集。夫亦謀諸同人。非敢以自矜也。幸天
下不以多贅而忽諸。

岢

大清康熙十七年戊午歲季秋吉旦郭志

邃右陶甫載識

重刊痧脹玉衡敘

余辭名塲後。溷跡淨堡河干。日聞鄉人染病。證最變。死最速。感慨歎歎。莫可如何者。久之。每私心疑慮。此必世俗所云痧脹也。而解救無方。兼以素不善醫。仍嗟束手。邇來細攷經典。並無痧字。卽諸醫書所載。縱有痧之名。究未詳痧之所由起。與痧之所。以治。歲庚申。偶得治痧救急丹。依方製藥。

令左右皆學鍼法。砭放痧毒。病輒隨手而
甦。技其止此乎。迺痧毒已放。而病間有難
瘉者。以爲非痧耶。何以青筋明見。以爲真
痧耶。何以效不全效。復於友人殘篇中。得
鄧右陶先生玉衡一書。辨痧甚晰。始知痧
有隱伏於別證中者。砭後因證服藥。疾無
不瘳。夫右陶作古二百餘年矣。世詎無欲
繼前人之志。而拯今日之危者。無如兵燹